

**ՀԱՅ ՎԱՃԱՌԱԿԱՆՈՒԹՅՈՒՆԸ ՀՅՈՒՍԻՍ-ԱՐԵՎԵԼՅԱՆ ԻՐԱՆՈՒՄ
XIX Դ. ՎԵՐՋԻՆ XX Դ. ՍԿՋՐԻՆ**

XVII դ. սկզբից սկսած հայ վաճառականությունն ակտիվ դեր է խաղացել Իրանի այս կամ այն շրջանի տնտեսական կյանքում: Մինչև XVIII դ. առաջին քառորդը Իրանի արտաքին առևտրում վճռորոշ դիրքեր էին գրավում Նոր Զուլայի հայ վաճառականները: XVIII դ. վերջին XIX դ. սկզբին նրանք ակտիվ գեր էին խաղում Իրանական Ադրբեջանի՝ մասնավորապես Թավրիզի, ինչպես նաև Մերձկասպյան շրջանների՝ Գիլանի և Մազանդարանի առևտրում:

XIX դ. սկզբից սկսած հայ վաճառականները լայն գործունեություն էին ծավալել նաև Հյուսիս-արևելյան Իրանում, սակայն առևտրական այդ գործունեությունը մինչև այժմ չի գրավել ուսումնասիրողների ուշադրությունը: Ներկա աշխատանքը կոչված է հնարավորության սահմաններում լրացնել այդ բացը և ի մի. բերել XIX դ. վերջին XX դ. սկզբին Հյուսիս-արևելյան Իրանում հայ վաճառականության գործունեությանը վերաբերվող բազմաթիվ փաստերը:

Հայ վաճառականության վերակողմնորոշումը դեպի Հյուսիս-արևելյան Իրան ուներ որոշակի պատճառներ: Նոր Զուլայի հայկական գաղութն այս շրջանում տնտեսական ակնկալ էր ապրում: Իրանական Ադրբեջանում, Գիլանում, Մազանդարանում ակտիվորեն գործող հայ վաճառականությունն ավելի ու ավելի մեծ չափով էր զգում օտարերկրյա առևտրական տների, ինչպես նաև իրանցի առևտրականների աճող մրցակցությունը: Դա ստիպում էր հայ վաճառականներին վերահարմարվել իրանական շուկայի փոփոխված պայմաններին և փրկություն փնտրել այնպիսի շուկաներ, որտեղ այդ մրցակցությունն ավելի թույլ էր: Նման շուկա հանդիսացավ Հյուսիս-արևելյան Իրանը (Աստրաբադ, Շահրուդ-Բաստամ, Խորասան): Ի տարբերություն Իրանական Ադրբեջանի, Գիլանի, Մազանդարանի և Իրանի հարավային շրջանների, Հյու-

սիս-արեւելյան իրանն իր աշխարհագրական դիրքի, առևտրական հարմար ճանապարհների և հզոր առևտրական կապիտալի բացակայութեան պատճառով շատ թույլ էր կապված Արևմտյան Եվրոպայի հետ: Միակ հարմար առևտրական ուղին Բանդար Գյաղ-Շահրուդ-Նիշաբուդ-Մեշհէդ ճանապարհն էր. որն էլ մի քանի տասնամյակ շարունակ հանդիսանում էր Հյուսիս-արեւելյան իրանն արտաքին աշխարհի հետ կապող միակ քիչ թե շատ հարմար ուղին:

Նենց այդ ուղին էլ ընտրեցին հայ վաճառականները, որոնց ներթափանցումը Հյուսիս-արեւելյան իրան այնքան արագ էր ընթանում, որ արդեն «...XIX դ. կեսին հայ վաճառականներն սկսեցին իրենց մենաշնորհը դարձնել մեծածախ առևտուրը իրանի հյուսիս-արեւելքում, օրինակ Շահրուդ-Բաստամում, որտեղ հնդկական, արևատանվրդական և ռուսական ապրանքներով առևտուրը գտնվում էր նրանց ձեռքում»:

XIX դ. երկրորդ կեսին իրանն ավելի ու ավելի էր ներթափվում համաշխարհային կապիտալիստական շուկայի ոլորտ, ավելացնելով գյուղատնտեսական ապրանքների արտահանումը և արդյունաբերական ապրանքների ներմուծումը: Այդ գործընթացը, բնականաբար, դիպավ նաև Հյուսիս-արեւելյան իրանին: Բանդար Գյաղ-Շահրուդ-Սարգեվար-Նիշաբուդ-Մեշհէդ առևտրական ուղին աստիճանաբար դարձավ իրանի ամենաաշխույժ առևտրական ուղիներից մեկը, որի ամբողջ երկարութեամբ, առևտրական խոշոր կենտրոններում հաստատվեցին հայկական խոշոր առևտրական ընկերությունների ներկայացուցիչները: Օրինակ 70-ական թվականներին Բանդար Գյաղում նշանակալի առևտուր էին վարում Արտեմիա Աղամովը, Առաքել Մատուրովը, Ներսես Կրասիլնիկովը, Գևորգ Աբիևը և ուրիշներ²:

Շահրուդում ևս հաստատվել էին Աղամովների և Կրասիլնիկովների խոշոր առևտրական ընկերությունների ներկայացուցիչները³,

Նրանց մի մասը, իրանի պայմաններում, վարում էր նշանակալի առևտուր: Բաքվի մաքսատան տվյալներով Ներսես Կրասիլնիկովը 1869 թ. միայն Բաքվի վրայով իրանից Ռուսաստան էլ արտահանել 49.725 ռուբլու ապրանք և 3239 ռուբլու դրամ⁴, միևնույն ժամանակ իրան ներմուծելով 21.185 ռուբլու ապրանք և 29.475 ռուբլու դրամ⁵: Բացի այդ, նա Աստարայի վրայով իրան էր ներմուծել ևս 15.100 ռուբլու ապրանք⁶:

Նույն թվականին Առաքել Մատուրովը Բաքվի վրայով Ռուսաստան էր արտահանել 6.050 ռուբլու ապրանք և իրան ներմուծել 20.955 ռուբլու ապրանք և 5.550 ռուբլու դրամ⁷:

Օգործդնիկովի վկայությամբ Սարգևարում գործող հայ առևտրական ընկերություններից ամենանշանավորը Ադամովների ընկերությունն էր, որի ներկայացուցիչ ներսես Տեր-Մովսեսովի առևտրական գործարքները գերազանցում էին Սարգևարի մյուս բոլոր հայ վաճառականների առևտրական գործարքները միասին վերցրած⁸։

Հայ վաճառականների և ուսումնականների ջանքերով Շահրուդի և Բանդար Գյազի միջև հաստատվել էր նույնիսկ կանոնավոր հաղորդակցություն, որը հեղինակն անվանում է «հայկական փոստ»⁹։

Մինչև անդրկովկասյան առևտրական ուղու փակումը 1883 թ., հայ վաճառականները ղգալի շահով կողմնորոշվում էին դեպի արևմտաեվրոպական արտադրություն, Հյուսիս-արևելյան Իրան ներմուծելով հիմնականում Մարսիլի շաքար, բնաճարպամոմեր և այլ ապրանքներ։ Միաժամանակ նրանք Արևմտյան Եվրոպա էին արտահանում ղգալի քանակությամբ բուրդ և մետաքսահումք։ Սակայն հարկ է նշել, որ հայ վաճառականները, ընդին բացառությամբ, անմիջական կապերի մեջ չէին Արևմտյան Եվրոպայի և Կոստանդնուպոլսի հետ և շաքարը, բնաճարպամոմերը և մյուս եվրոպական ապրանքները գնում էին երկրորդ ձեռքից՝ հիմնականում Թիֆլիսում։

XIX դ. 80-ական թվականների կեսերից Հյուսիս-արևելյան Իրանում գործող հայ վաճառականները շրջադարձ են կատարում դեպի ռուսական արդյունաբերություն, որը պայմանավորված էր օբյեկտիվ հանգամանքներով։ Միջին Ասիայի միացումից հետո ցարական կառավարությունը տերիտորիալ նվաճումների քաղաքականությունից անցավ տնտեսական ներթափանցման քաղաքականության, որն ուղեկցվում էր պրոտեկցիոնիստական միջոցառումներով։ Ձգտելով նպաստել ռուսական արդյունաբերական ապրանքների ներթափանցմանը Արևելքի երկրներ, այդ թվում նաև Իրան, ցարական կառավարությունը 1883 թ. փակեց անդրկովկասյան տարանցիկ ուղին։ Դա նկատելի հարված հասցրեց արևմտաեվրոպական առևտրին հատկապես Հյուսիս-արևելյան Իրանում, որի համար այդ ուղին արևմտաեվրոպական արդյունաբերական ապրանքների ներթափանցման միակ հարմար ուղին էր։ Այժմ արդեն եվրոպական երկրների առևտուրը Հյուսիս-արևելյան Իրանի հետ կարող էր զարգանալ կամ Տրապիզոն-Թավրիզ ուղիով, կամ Պարսից ծոցի, և կամ Հնդկաստանի և անգլիական Բելուչիստանի վրայով, որը կապված էր բազմաթիվ դժվարությունների հետ։

Միևնույն ժամանակ ցարական կառավարությունը սկսեց խրախուսադրամ վճարել Իրան արտահանվող ռուսական շաքարի և մանուֆակ-

տուբայի համար (խրախուսադրամ վճարվում էր միայն ռուսահպատակ վաճառականներին)։

Արխիվային տվյալների և բազմաթիվ հեղինակների վկայությամբ Հյուսիս-արևելյան Իրանում Ռուսաստանի հետ ողջ առևտուրը գտնվում էր հիմնականում հայ վաճառականների ձեռքում։ Շահրուդում, օրինակ, 7 ռուսահպատակ հայ վաճառականների առևտրական ընդհանուր շրջանառությունը 1884 թ. կազմում էր 1.596.550 ռուբլի¹⁰։ Նրանք Ռուսաստանից Շահրուդ էին ներմուծում հիմնականում շաքար, երկաթ, շոգուն, պողպատ, չիթ, իսկ Շահրուդից և նրա շրջակայքից արտահանում էին բամբակ, բուրդ, չոր միրգ և մետաքսահումք։

Ընդհանրապես շաքարի, երկաթի, շոգունի և մի շարք այլ ապրանքների ներմուծման մեջ հայ վաճառականների տեսակարար կշիռը բավականին մեծ էր։ 1891 թ. Շահրուդ ներմուծված 26.000 փութ (մոտ 400.000 ռուբլու) երկաթից 21.000 փութը ներմուծել էին Դավիթ Գրիգորյանցի, Ալեքսանդր Օսիպովի և Խաղար Թամրիզովի առևտրական գրասենյակները և միայն 5.000 փութը՝ պարսիկ վաճառականները¹¹։

Նույն թվականին Բանդար Գյազի վրայով Շահրուդ էր ներմուծվել 35.000 փութ շաքար (120.000 ռուբլու), որից 20.000 փութը ներմուծել են վերոհիշյալ վաճառականները և Փանյանցը¹²։

Սակայն Հյուսիս-արևելյան Իրանում գործող հայ վաճառականության հիմնական կենտրոնը Սաբզևարն էր։ Բառապատենը, որը լավատեղյակ էր Խորասանի տնտեսական կյանքին, նշում է, որ 19-րդ դարի վերջին Սաբզևարում գործում էին հայկական 11 առևտրական ընկերություններ, որոնցից 4-ը խոշոր էին¹³։ Դրանց թվում էին այնպիսի խոշոր առևտրական տներ և ընկերություններ, ինչպիսիք էին Թումանյանցները, «Ղուլյանց, Տեր-Մկրտիչ և Ընկ.»», «Տեր-Պետրոսյանց, Նասիրյանց և Ընկ.»», Մնացականով եղբայրները և ուրիշներ։

Արտամոնովը ևս նշում է, որ Սաբզևարում գործող 14 խոշոր առևտրական գրասենյակներից 10-ը հայկական էին, որոնցից 9-ի տները ռուսահպատակ էին, իսկ մեկի տները՝ (Թումանյանց) պարսկահպատակ¹⁴։

Ուսումնասիրությունները ցույց են տալիս, որ Խորասանի հրկրորդ առևտրական կենտրոնի՝ Սաբզևարի արտահանման և ներմուծման մոտավորապես կեսը գտնվում էր հայ վաճառականների ձեռքում։ Նրանց տեսակարար կշիռը հատկապես մեծ էր արտահանման այնպիսի ճյուղերում, ինչպիսիք էին բամբակը, բուրդը, չոր միրգը։ Սաբզևարում բնակվող 7 ռուսահպատակ հայ վաճառականները (Հախնազարյանց,

Քարամյանց, «Ղուլյանց և Ընկ.» ընկերության գործակատար Գևորգյանց, Տեր-Ղազարով, Մնացականյանց, Ստեփանյանց, Ղարիրյանց) 1892 թ. Սարգևարից Ռուսաստան էին արտահանել 67.500 փութ բամբակ, 65.000 փութ բուրգ, 15.000 փութ շոր միրգ՝ ընդհանուր առմամբ 147.000 փութ շ. 360.000 զուան գումարով¹⁵: Դա կազմում էր Սաբզվարի ողջ արտահանման մոտավորապես 55%: Միևնույն ժամանակ նրանք Ռուսաստանից Սաբզևար էին ներմուծել մոտավորապես նույն գումարի կտորեղեն, շաքար, շաքարավազ, երկաթ և այլ իրեր, որը կազմում էր ամբողջ ներմուծման մոտ 45%¹⁶:

Իրանի տնտեսական կյանքին լավատեղյակ Քերզոնի վկայությամբ հայ վաճառականները Սաբզևարից Ռուսաստան էին արտահանում տարեկան 10—12 հազար հակ (1 հակը մոտավորապես հավասար է 5 փթի) բուրգ, որի զգալի մասն այնուհետև առաքվում էր Անգլիա¹⁷:

Հայ վաճառականների ձեռքում էր գտնվում նաև Հյուսիս-արևելյան Իրանի մյուս խոշոր քաղաքների և բնակավայրերի առևտուրը: Նիշաբուրում զգալի առևտուր էին վարում երկու խոշոր առևտրական տների՝ Թումանյանցների և Տեր-Մկրտիչև եղբայրների ներկայացուցիչները: Բոջնուրդում լայն գործունեություն էին ծավալել Տեր-Մկրտիչև և Արուսով առևտրական ընկերությունների ներկայացուցիչները, որոնցից առաջինի տարեկան առևտրական շրջանառությունը հասնում էր 150.000 ռուբլու, իսկ երկրորդինը՝ 200.000 ռուբլու¹⁸:

Դամղանում միակ ռուսահպատակ վաճառականը Կարապետյանց առևտրական ընկերության ներկայացուցիչն էր¹⁹:

Ռուս զինվորական Բենդերևի վկայությամբ Բանդար Գյազում գործում էին ռուսահպատակ հայերի 10 առևտրական ընկերություններ 1.700.000 ռուբ. տարեկան առևտրական շրջանառությամբ, չհաշված պարսկահպատակ Թումանյանցներին, որոնց առևտրական շրջանառությունն անցնում էր 200.000 ռուբլուց²⁰:

Մեծ թվով հայ վաճառականներ էին ապրում թուրքմենական ցեղերի շրջանում: Նրանք կարողանում էին շահել քոչվորների համակրանքը և մեն մենակ շրջել թուրքմենական աուլներում: Օրինակ. գոկլանների Բայանդիր տոհմի շրջանում ապրում էին 4 հայ վաճառականներ, որոնք խոշոր եղջերավոր անասուններ էին գնում Մերձ-կասպյան մարզի զորքերին մատակարարելու համար: Նրանք համընդհանուր հարգանք էին վայելում քոչվոր գոկլանների շրջանում, որոնք պաշտպանում էին հայերին, ինչպես հարազատ մարդու 1891 թ. հայ վաճառականները գոկլաններից և Բոջնուրդյան խանության բնակ-

շուկայունից գնել և Ռուսաստան էին քշել՝ ոսկհանուր առմամբ մոտ 1000 գլուխ խոշոր եղջերավոր անասուններ և 7—8 հազար գլուխ ոչխար²¹։

Ներշնչող դժվար է խոսել հայ վաճառականների խիստ մասնագիտայման մասին։ Նրանք բոլորն էլ զբաղվում էին և արտահանմամբ, և ներմուծմամբ։ Լավ տեղյակ լինելով իրանական ջուկայի կոնյուկտուրային և բնակչության պահանջմունքներին, նրանք ներմուծում կամ արտահանում էին այն ապրանքները, որոնց պահանջն այդ պահին ավելի էր զգացվում։ Օրինակ, 1900 թ. «Բեգլարյանց և Կարապետյանց» ընկերությունը Բանդար Գյազի վրայով Դամդան էր ներմուծել մոտ 10.000 փութ ռուսական ալյուր և վաճառել մեծ շահույթով²²։

1891 թ. Թումանյանցների առևտրական տունը Շահրուղում Զանսուղ Միրզայից, կավածատերերից և գլուղացիներից գնել էր 5.000 խարվար հացահատիկ և արտահանել Աստրախան²³։ Սա խոսում է հայ վաճառականների օպերատիվության և շուկայի պահանջմունքներին արագորեն հարմարվելու կարողության մասին։

Մյուս կողմից ռուսամասիրությունները մեզ հանգեցրել են այն եզրակացության, որ հայ առևտրական ընկերությունները տարիներ շարունակ մասնագիտացել էին որոշակի տեսակի ապրանքների ներմուծման և արտահանման մեջ։ Հյուսիս-արևելյան իրանից դեպի Ռուսաստան նրանց արտահանման հիմնական ճյուղերն էին բամբակը, բուրդը, չոր միրգը, մետաքսահումքը և խոշոր եղջերավոր անասունները։ Ռուսաստանից ներմուծում էին հիմնականում շաքար, շաքարավազ, երկաթ և այլ մետաղներ, քիչ չափով կտորեղեն։

XIX դ. վերջին պարսկական և թուրքական ծագում ունեցող վաճառականներն աստիճանաբար հայ վաճառականներին դուրս մղեցին ներմուծման այնպիսի ճյուղերից, ինչպիսիք էին կտորեղենը՝ և շաքարը։ Այսպես՝ Սարգևարում գործող վերահիշյալ 7 հայ վաճառականներից միայն «Ղուլյանց և Ընկ.» առևտրական տունն էր ներմուծում ռուսական կտորեղեն, տարեկան մոտ 3000 փութ (մոտ 100.000 ռուբլու)²⁴։

Հյուսիս-արևելյան իրանում գործող հայկական խոշոր առևտրական տներից ևս երկուսը՝ «Տեր Մկրտիչ և եղբայրներ» և «Տեր-Սարգսյանց, Արուտչև և Գևորգյանց» առևտրական տները զգալի չափով զբաղվում էին կտորեղենի ներմուծմամբ։ 1908—09 թթ. Մեհհեդ ներմուծված 9000 հակ ռուսական բամբակյա կտորեղենից առաջինին բաժին էր ընկնում 1.500 հակ, իսկ երկրորդին՝ 2.000 հակ²⁵։

Նույն թվականներին Մեշհեդ ներմուծված 937.250 տուր. շաքարից և շաքարավազից վերոհիշյալ առևտրական տներին ըստին էր ընկնում համապատասխանաբար 67.500 տուր. և 52.500 տուր.²⁶, այսինքն հայ վաճառականների տեսակարար կշիռը կազմում էր ընդամենը 13%: Զնայած հայկական համարյա բոլոր առևտրական ընկերությունները զբաղվում էին և արտահանմամբ, և ներմուծմամբ, սակայն նրանց առևտրական գործարքներում վճռորոշը, առաջատարը արտահանումն էր և շատ հաճախ ներմուծումը ենթարկվում էր արտահանման շահերին:

Ներմուծելով ոռոսաստանյան արտադրության ապրանքներ՝ հիմնականում շաքար և կտորեղեն, հայ առևտրական ընկերությունների ներկայացուցիչները միաժամանակ նախավճար էին տրամադրում հումքի անմիջական արտադրողներին: Նրբ գալիս էր նրանց վճարելու ժամանակը, նրանք իրենց ներմուծած ապրանքները հաճախ վաճառում էին շատ էժան, որպեսզի ժամանակին վճարեն իրանական արտադրողներին, համոզված լինելով, որ իրանական հումքը վաճառելիս վերադիրով կհատուցեն իրենց վնասները: Ամենից հաճախ նախավճար տրամադրում էին բամբակ և մետաքս արտադրողներին: Բամբակի դիմաց կնքվող վարկային գործարքներից, որոնք հայտնի էին «սալաֆ» անունով, հորասսանում տարածված էին երկու ձևեր՝ առաջին դեպքում արտադրողին տրված վարկի դիմաց վերցվում էր 12—15%, իսկ բամբակը հաշվվում էր նույն գնով, ինչով գնանշվել էր պայմանագրի կնքման ժամանակ, երկրորդ դեպքում՝ վարկի դիմաց տոկոս չէր վերցվում, բայց բամբակը գնահատվում էր 1 խարվար ըմպրված կամ 30 ման մաքրված բամբակի գնանշված արժեքից 5—10 դոան էժան²⁷:

Նախավճարը միշտ տրամադրվում էր որոշակի քանակությամբ բերքի դիմաց: Շատ հաճախ հայ վաճառականները նախավճարը տրամադրում էին ոչ թե դրամով, այլ իրենց ներմուծած ապրանքներով:

Ինչպես ողջ Իրանում, այնպես էլ հորասսանում գերակշռում էր մանր ու միջին առևտրական կապիտալը: Հայ վաճառականների զգալի մասն ևս ուներ սահմանափակ կապիտալ: Միևնույն ժամանակ արդեն XIX դ. վերջին Հյուսիս-արևելյան Իրանում գործում էին այնպիսի խոշոր առևտրական ընկերություններ, ինչպիսիք էին Թումանյանցների, Տեր-Մկրտիչևների առևտրական տները, «Նասիբյանց և Տեր-Պետրոսյանց», «Բեգլարյանց և Կարապետյանց» առևտրական ընկերությունները, վաճառականներ Փանյանցը, Մնացականովները, որոնց առևտրական շրջանառությունն անցնում էր մի քանի հարյուր հազար ուրբուլուց:

Ընդհուպ մինչև Միշին Ասիայի միացումը Ռուսաստանին և Անդրկասպյան երկաթուղու կառուցումը (1880—1886) հայ վաճառականները Հյուսիս-արևելյան Իրանի հետ առևտուրը վարում էին հիմնականում Բանդար Էյլազի, Շահրուդի և Սարգևարի վրայով։ Պատահական չէ, որ առևտրական խոշոր ընկերությունների ներկայացուցիչները հաստատվել էին հենց այս առևտրական կենտրոններում։ Իրադրությունը կտրուկ կերպով փոխվեց 80-ական թվականների կեսերից։ Հյուսիս-արևելյան Իրանի հետ Ռուսաստանի առևտրում սկսեց վճռական դեր խաղալ Աշխարադը։ Մի շարք խոշոր ընկերություններ, որոնք մինչ այդ գործում էին Անդրկովկասում, իրենց առևտրական գործարքները տեղափոխեցին Աշխարադ։ Նրանցից մի քանիսն այնպիսի վճռական դիրքեր գրավեցին Հյուսիս-արևելյան Իրանի տնտեսական կյանքում, որ Սիսթանում ուսական փոխ հյուպատոս Միլլերը 1900 թ. արքունական խորհրդական Ֆելդերի միջոցով տեղեկություններ հայտնելով Սիսթանի առևտրի մասին, Տեր-Մկրտիչ և Մնացականով ընկերություններին հրավիրում էր առևտուր սկսելու Սիսթանում²⁸, իսկ Բիրջանգի վաճառականները ցանկություն էին հայտնում կապ հաստատել Տեր-Մկրտիչ ընկերության հետ կտորեղեն, շաքար, կերոսին, շուգուն և իրեր ստանալու համար²⁹։

Տեր-Մկրտիչ և Եղբայրները Աշխարադում գործունեության 30 տարիների ընթացքում միայն ուսական կտորեղենի առևտրից ավելի քան 2 մլն. ուրլու շահույթ էին ստացել³⁰։

XIX դ. վերջին XX դ. սկզբին Իրանն ավելի ու ավելի մեծ չափով էր ներքաշվում ապրանքադրամական հարաբերությունների ոլորտ, որի հետևանքը Ռուսաստանի և մյուս երկրների հետ առևտրի շեշտակի վերելքն էր։ Արտաքին առևտրի բուռն դարգացման հետևանքով նկատելի փոփոխություններ էին տեղի ունենում նաև Հյուսիս-արևելյան Իրանի դյուղատնտեսության մեջ։ Դյուղատնտեսական ավանդական կուլտուրաները (հացահատիկ և այլն) դուրս էին մղվում տեխնիկական կուլտուրաների կողմից, որոնք մեծ չափով արտահանվում էին։ Հյուսիս-արևելյան Իրանի արտահանման գլխավոր ճյուղերից մեկը դառնում է բամբակը։ Ռուսաստան արտահանվող իրանական բամբակի ավելի քան 40% տալիս էին Աստրաբադը և Խորասանը³¹։

Մինչև XIX դ. վերջը Ռուսաստան արտահանվող բամբակը մաքրվում էր ձեռքով և սեղմվում ձեռքի մամլիչներով։ Օրինակ XX դ. սկզբին Թորբաթե-Հեյդարիում կար ընդամենը 3 ձեռքի մամլիչ³²։

XIX դ. վերջին XX դ. սկզբին բամբակի արտադրության և արտահանման շեշտակի վերելքը նոր պահանջներ էր դնում իրանական բամբակ արտահանողների առջև: Չմաքրված բամբակի արտահանումը Ռուսաստան տնտեսապես ձեռնտու չէր, իսկ բամբակի մաքրումը և մամլումը նախկին մեթոդներով շարունակելն արդեն անհնարին էր:

Այդ էր պատճառը, որ XIX դ. վերջից նախ Մադանդարանում, իսկ ապա Աստրաբադում և Խորասանում հանդես եկան առաջին բամբակազտիչ գործարանները: Եվ քանի որ բամբակի արտահանումը գտնվում էր գերազանցապես հայ վաճառականների ձեռքում, բնականաբար, այդ գործարանների մեծ մասը ևս պատկանում էր նրանց: Մյուս կողմից պարսիկ վաճառականները խուսափում էին իրենց կապիտալները ներդնել արդյունաբերության մեջ և հաճախ թաքցնում էին իրենց առևտրական շրջանառությունը, վախենալով իշխանությունների կամայականություններից:

Առաջին համաշխարհային պատերազմի նախօրյակին Իրանում գործում էին ավելի քան 25 բամբակազտիչ գործարաններ, որոնց ճնշող մասը գտնվում էր Խորասանում և Մադանդարանում: Դրանք հիմնականում կառուցվում էին բամբակագործության խոշոր կենտրոններում, որտեղ հաստատվել էին իրանական բամբակի գլխավոր արտահանողները: Օրինակ. Նիշաբուրում գործում էին 4 բամբակազտիչ գործարաններ, որոնք պատկանում էին Պոզնանսկու բաժնետիրական ընկերությանը, Տեր-Մկրտիչև, «Հախնազարյանց և Ընկ.» և «Խալափյանց և Ընկ.» առևտրական տներին³³:

Սարգևարում նույնպես գործում էին 4 բամբակազտիչ գործարաններ, որոնցից երկուսը պատկանում էին Տեր-Մկրտիչևներին և Հախնազարյանցին: Այդ գործարաններից չորսը անհետացել էր 40—50 հազար ռուբլի³⁴, եվ Սարգևարում, և Նիշաբուրում Տեր-Մկրտիչևների գործարանները համարվում էին լավագույններից մեկը: Դրանք կահավորված էին ժամանակակից սարքավորումներով և գնահատվում էին 80—90 հազար ռուբլի³⁵:

Այս բնագավառում խոշորագույն ձեռնարկատերերից մեկը «Աթայանց և Ընկ.» առևտրական տունն էր: 1909 թ. Մամեդաբադում գործում էր Աթայանցների բամբակազտիչ գործարանը: Գործարանի սարքավորումների վրա ծախսվել էր 7000 թուման: Հիմնական և շրջանառու կապիտալը կազմում էր 15.000 թուման³⁶: Ընկերությունը գործարաններ ուներ նաև Միանաբադում, Դերեգեղում, Զովեյնում և Բոջնուրգյան խանությունում: 1916 թ. Բոջնուրգյան խանությունում

շարք մտավ ընկերությանը պատկանող խոշոր բամբակազտիչ գործարանը, իսկ հին գործարանի իր բաժինն Աթալյանցը 16 հազար թումանով վաճառեց Բոջնուրդյան խանին³⁷:

«Աթալյանց և Ընկ.» առևտրական տունը լայն գործունեություն էր ծավալել Սարգևարի շրջանում: Ձգտելով ընդլայնել առևտրական գործարքները և ավելացնել զտված բամբակի արտահանումը Ռուսաստան, առևտրական տունը 1915 թ. նոր գործարան կառուցեց Սարգևարի շրջանում՝ Զովեյնում: Ընկերության ղեկավարության վարժիքով նոր գործարանի գործարկումը հնարավորություն կտար այդ շրջանից Ռուսաստան արտահանել տարեկան ավելի քան 50.000 փութ մաքուր բամբակաթել³⁸: Գործարանը լավագույններից մեկն էր Իրանում և հազեցված էր ժամանակակից սարքավորումներով: Հաշվա-վարկային՝ բանկի աստիճանավորների գնահատմամբ այն արժեքի մոտ 75 հազար ռուբլի³⁹:

Բամբակի արտագրության մյուս խոշոր կենտրոնը Աստրաբադն էր: XX դարասկզբին Բանդար Դյազում գործում էին 4 բամբակազտիչ գործարաններ, որոնք պատկանում էին «Բեգլարյանց և Կարապետյանց», «Նասիրյանց և Տեր-Պետրոսյանց» ընկերություններին, վաճառական Աղամիրդյանցին⁴⁰ և Թումանյանցների առևտրական տանը⁴¹:

Կայեմի վկայությամբ Բանդար Դյազում բամբակի առևտուրը գտնվում էր հիմնականում առաջին երկու ընկերությունների ձեռքում, որոնք օգտվելով իրենց մենաշնորհ դիրքից, հաճախ հումքը գնում էին չափազանց էժան գնով: Նույն հեղինակի տվյալներով գործարանատերերից յուրաքանչյուրին հումքի թերակշռման հետևանքով մնում էր 7—12 հազար փութ մաքուր մանրաթել, որն անշուշտ չափազանցություն է⁴²:

Այս, ինչպես նաև մյուս գործարանները սեզոնային էին: Աշխատում էին տարեկան 2—3 ամիս, հիմնականում գործարանատերերին պատկանող հումքով: Սակայն հաճախ ձեռնարկատերերը զտելու նպատակով որոշակի վճարի դիմաց հումք էին ընդունում նաև տեղական բնակչությունից և մյուս արտահանողներից: Օրինակ, Մամեդաբադում գտնվող Աթալյանցների գործարանը մասնավոր անձանցից զտելու համար ընդունում էր տարեկան 1500—2000 փութ բամբակ, 1 փութ մանրաթելի համար 4 դռան վճարով⁴³:

Ընդհանուր առմամբ գործարանների թողունակությունն այնքան էլ մեծ չէր: Մամեդաբադի գործարանի արտադրական կարողությունը օրական 400 փութ էր, սեզոնայինը՝ 35 հազ. փութ, Լյուլֆարադինը՝ 20 հազար փութ⁴⁴: Որպես կանոն, այդ գործարանները չունեին ինք-

նուրույն տնտեսական նշանակութիւն և կոշկած էին նպաստելու այս կամ այն ընկերութեան առևտրական շրջանառութեան ընդլայնմանը:

Բամբակազտիչ գործարանների հանդես գալը իրանում այդ երկրի բամբակագործութեան մեջ օտարերկրյա կապիտալի ինտենսիվ ներթափանցման արդյունք էր: Ձեռնարկութեանների մեծ մասը պատկանում էր բամբակի առևտրում կարևոր դիրքեր նվաճած ռուսապատակ հայերի առևտրական ընկերութեաններին: Անշուշտ, դրանք փոքր ձեռնարկութեաններ էին, բայց լինելով իրանական արդյունաբերութեան սպեցիֆիկ ճյուղի ձեռնարկութեաններ չէին զգում իրանից դուրս գործող օտարերկրյա կապիտալի կործանարար մրցակցութիւնը:

Հայ ձեռնարկատերերը մենաշնորհ դիրք էին գրավում իրանի ձկնարդյունաբերութեան մեջ: Դևուս XVIII դարավերջին XIX դարասկզբին Կասպից ծովի հարավային ափի ձկնային հարստութեանները գրավել էին աստրախանցի հայ վաճառականների ուշադրութեանը: Սակայն ձկնարդյունաբերութեանը Կասպից ծովի հարավում լայն հիմքի վրա դրվեց միայն 1873 թ., երբ աստրախանցի առաջին դիլիթայի վաճառական Ստեփան Լիանոզովը շահական կառավարութեանից ստացավ Աստարայից-Ատրեկ հատվածում ձկնորսութեան մենաշնորհ իրավունք: Այդ ժամանակից սկսած ձկան որսը և արտահանումն անշեղորհն աճեց: Եթե 1890-ական թվականների սկզբին ձկան որսն այդ շրջանում հասնում էր տարեկան միջին հաշվով մոտ 600.000 ռուբլու, ապա 1890—1906 թթ.՝ 900.000—1.000.000 ռուբլու, իսկ 1907—1913 թթ.՝ 2,5 մլն. ռուբլու⁴⁵:

Լիանոզովը և նրա հաջորդները զգալի կապիտալներ ներդրեցին ստեղծելով ժամանակակից ձկնարդյունաբերական ձեռնարկութեան՝ հզոր սարքավորումներով, սառնարաններով, ժամանակակից փոխադրանավերով, կահավորված նավակայաններով, պահեստներով և այլ օժանդակ շինութեաններով: Առաջին համաշխարհային պատերազմի նախօրյակին Լիանոզովների ընկերութեան կապիտալ ներդրումները կազմում էին 3.380.000 ֆրանկ⁴⁶:

Մեկ ուրիշ հետազոտողի՝ Յազանեգիի տվյալներով 1916 թ. դրանք հասնում էին 9000000 ռուբլու⁴⁷:

Այդ վիթխարի ձեռնարկութեան ձկնորսարանների մի մասն էլ դրտնրվում էր Աստրաբադի շրջանում: Դլխավոր ձկնորսարանները զրտնրվում էին Կարասուի և Հաջի Նեֆեսի գետաբերաններում: Ընկերութեանն այստեղ որսը կատարում էր տեղաբնակ թուրքմենների ուժերով, նախօրոք պայմանագիր կնքելով նրանց հետ: Ձկնորսարանների

արտադրանքը տարեցտարի ավելանում էր: 1909—14 թթ. միջին հաշվով ձկան որսն Աստրաբադի շրջանում կազմել էր մոտ 557.000 ռուբլի⁴⁸, իսկ 1905 թ. ձկան արտահանումը Բանդար Գյազի վրայով կազմում էր ընդամենը 13.749 փութ, ապա 1911 թ. հասնում էր 401.500 փթի⁴⁹:

Ինչպես և մյուս ձկնորսարաններում, Աստրաբադում ևս ընկերությունը ղգալի կապիտալ ներդրումներ էր կատարում: Ընկերության կարիքների համար Կարասուում գործում էին էլեկտրակայան, հիվանդանոց ամբուլատորիայով, կառուցվել էին բարաքներ աշխատողների համար, դղվել էին ուսեր վագոնների համար:

Այսպիսով, XIX դարավերջին XX դարասկզբին հայ վաճառականները ակտիվ դեր էին խաղում Հյուսիս-արևելյան Իրանի տնտեսական կյանքում: Գերազանցապես նրանց ձեռքում էր գտնվում այնպիսի ապրանքների արտահանումը, ինչպիսիք էին բամբակը, բուրգը, չոր միրգը, մետաքսահումքը: Հայ վաճառականները նշանակալի դիրքեր էին գրավել նաև շաքարի, երկաթի, գործվածքեղենի, թորած նավթի ներմուծման մեջ: Երկրի ներսում նրանք հիմնականում զբաղվում էին մեծածախ առևտրով:

Հայ վաճառականների ձեռքում էին գտնվում նաև Հյուսիս-արևելյան Իրանի սաղմնավորվող արդյունաբերության հիմնական ճյուղերը՝ բամբակի զտման գործը և ձկնարդյունաբերությունը:

С. Х. СТЕПАНЯН

АРМЯНСКОЕ КУПЕЧЕСТВО В СЕВЕРО-ВОСТОЧНОМ ИРАНЕ В КОНЦЕ XIX НАЧАЛЕ XX ВЕКОВ

Резюме

В конце XIX начале XX вв. армянское купечество играло важную роль во всех сферах экономической жизни Северо-восточного Ирана. Установив тесные связи с непосредственными производителями иранского сырья, армянские купцы экспортировали из Северо-восточного Ирана в Россию хлопок, шерсть, шелк, сухофрукты. В то же время крупные армянские торговые дома и товарищества ввозили в Северо-восточный Иран русскую мануфактуру, сахар, железо, керосин.

До закрытия в 1883 году закавказского транзита, армянские купцы ввозили в этот район в основном западноевропейские товары, покупая эти товары через посредников в Тифлисе. После

закрытия транзита, они переориентировались на российскую промышленность

В руках армянских крупных купцов находились также основные отрасли зарождавшейся промышленности Северо-восточного Ирана: строительство хлопкоочистительных заводов и рыбная промышленность.

- 1 Н. А. Кузнецова, Иран в первой половине XIX века, М., 1983, с. 185—186.
- 2 Ф. Бакулли, Очерки торговли с Персией. Азербайджан, Мазандеран, Астрабад, СПб., 1875, с. 93.
- 3 П. Огородников, Очерки Персии, СПб., 1878, с. 64.
- 4 Հայ վաճառականները մեծ բանակութեամբ դրամ էին ներմուծում Իրան, որպեսզի իրանական հումքի արտադրողներին վճարեն կանխիկ դրամով:
- 5 ЦГИА Гр. ССР, ф. 378, оп. 1, д. 11061, л. 74 об.
- 6 Նույն տեղում, ք. 101:
- 7 Նույն տեղում, ք. 73:
- 8 П. Огородников, Очерки Персии, СПб., 1878, с. 103.
- 9 Նույն տեղում, էջ 63, 358:
- 10 АВПР, ф. «Персидский стол», д. 1826, 1883—88 гг., л. 127 об.
- 11 Л. К. Артамонов, Поездка в Персию. Астрабад-Шахурдский район и Северный Хорасан, Тифлис, 1894, приложение, с. 55.
- 12 Նույն տեղում, էջ 52:
- 13 Ф. Баумгартен, Поездка по восточной Персии Л-гв Волынского полка поручика Баумгартена в 1894 г., СПб., 1896, с. 54—55.
- 14 Л. К. Артамонов, Астрабад-Шахурдский район..., с. 225.
- 15 ЦГИА СССР, ф. 23, оп. 7, д. 183, лл. 69—70 об.
- 16 Նույն տեղում, ք. 70:
- 17 G. N. Curzon, Persia and the Persian Question, London, Longmans, Green and Co., 1892, v. 2, p. 510.
- 18 Бендерев, Астрабад-Бастамский район Персии. Поездка по району в 1902 г. Ашхабад, 1904, маршруты, с. 135.
- 19 Նույն տեղում, էջ 158:
- 20 Նույն տեղում, էջ 3:
- 21 Л. К. Артамонов, Астрабад-Шахурдский район..., ч. 2, с. 101.
- 22 Бендерев, Астрабад-Бастамский район Персии..., с. 247.
- 23 Л. К. Артамонов, Астрабад-Шахурдский район..., ч. 2, приложение, с. 58.
- 24 ЦГИА СССР, ф. 23, оп. 7, д. 183, л. 69.
- 25 ЦГИА СССР, ф. 600, оп. 10, д. 222, л. 43.
- 26 Նույն տեղում, ք. 36 հադ. կողմի:
- 27 А. Иас, Хлопководство в Хорасане. Сборник консульских донесений, вып. 5, СПб., 1905, с. 350.

- 28 АВПР, ф. «Среднеазиатский стол», оп. 485, д. 718, лл. 164—165.
- 29 АВПР, ф. Среднеазиатский стол, оп. 485, д. 720, л. 5.
- 30 А. Ф. Губаревич-Радобыльский, Значение Туркестана в торговле России с сопредельными странами в Азии, СПб, 1912, с. 203.
- 31 Библиотека хлопкового дела, кн. 10, М., 1928, с. 26—28.
- 32 А. Иас, Хлопководство в Хорасане, с. 350—351.
- 33 Ж. Я. Кассис, Экономическое положение современной Персии, Киев, 1915, с. 26.
- 34 *ბიჭი მბჟილი*.
- 35 ЦГИА СССР, ф. 600, оп. 9, д. 990, 1915, л. 4.
- 36 Сборник консульских докладов (Северная Персия), М., 1933, с. 23.
- 37 ЦГИА СССР, ф. 600, оп. 10, д. 202, л. 4. ф. 600, оп. 9, д. 1083, л. 15.
- 38 ЦГИА СССР, ф. 600, оп. 9, д. 1083, л. 7.
- 39 *ბიჭი მბჟილი*, № 16.
- 40 Н. Н. Шавров, Персидское побережье Каспийского моря, его производительность и торговля, Тифлис, 1913, с. 71; А. М. Сахаров, Русская колонизация Астрабадской провинции в Персии, П., 1915, с. 46.
- 41 В. Б. Безсонов, Северные провинции Персии, П., 1917, с. 43.
- 42 Г. Каэм, «Персидские земли» или «Новая апельсиния», Красноводск, 1914, с. 109.
- 43 Сборник консульских докладов, с. 23.
- 44 *ბიჭი მბჟილი*.
- 45 M. L. Entner, Russo-Persian Commercial Relations 1828—1914, University of Florida Monographs, Social Sciences, no. 28, Florida, University of Florida Press, 1965, p. 77.
- 46 The Economic History of Iran 1800—1914, Ed. by Ch. Issawi, Chicago—London, The University of Chicago Press, 1971, p. 256.
- 47 Е. В. Яганеги, Recent Financial and Monetary History of Persia, New—York, Columbia University, 1934, p. 21.
- 48 А. Ф. Невраев, Южное побережье Каспия, Труды научного института рыбного хозяйства, т. 4, М., 1929, с. 381.
- 49 Н. Н. Шавров, Персидское побережье Каспийского моря..., с. 69—70.